

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՏԱՅՔԻ ՄԱՐԶԻ ԲՅՈՒՐԵՂԱՎԱՆ ՀԱՄԱՅՆՔԻ
ԱՎԱԳԱՆՈՒ ՈՐՈՇՈՒՄՆԵՐԻ ՆԱԽԱԳԾԵՐԻ ԵՎ ԱՅԼ ԱՌԱՋԱՐԿՈՒԹՅՈՒՆՆԵՐԻ
ՆԱԽՆԱԿԱՆ ՔՆՆԱՐԿՄԱՆ ՆՊԱՏԱԿՈՎ ՍՏԵՂԾՎԱԾ ՖԻՆԱՆՍԱԿԱՆ, ԲՅՈՒՋԵՏԱՅԻՆ
ԵՎ ՏՆՏԵՍԱԿԱՆ ՀԱՐՑԵՐԻ ՄՇՏԱԿԱՆ ԳՈՐԾՈՂ ՀԱՆՁՆԱԺՈՂՈՎԻ ՆԻՍՏԻ

ք. Բյուրեղավան

12 հունվարի 2021թ.

2021 թվականի հունվարի 12-ին, ժամը 14:00-ին, Բյուրեղավան համայնքի Բյուրեղավան բնակավայրում՝ Բյուրեղավանի համայնքապետարանի թիվ 1 վարչական շենքում, տեղի ունեցավ համայնքի ավագանու որոշումների նախագծերի և այլ առաջարկությունների նախնական քննարկման նպատակով ստեղծված ֆինանսական, բյուջետային և տնտեսական հարցերի մշտական գործող հանձնաժողովի (այսուհետ՝ Հանձնաժողով) նիստ՝ «Հայաստանի Հանրապետության Կոտայքի մարզի Բյուրեղավան համայնքի ավագանու 2021 թվականի դեկտեմբերի 27-ի N 77-Ն որոշման մեջ փոփոխություններ կատարելու մասին» և «Բյուրեղավան համայնքի 2021 թվականի բյուջեի չորրորդ եռամսյակի կատարման ընթացքի մասին» որոշումների նախագծերի թեմաներով:

Նիստին մասնակցում էին Հանձնաժողովի նախագահ Արման Օհանյանը, անդամներ Արման Խանգադյանը, Արտյոմ Ավագյանը, համայնքապետարանի ֆինանսատնտեսագիտական, եկամուտների հաշվառման և հավաքագրման, ծրագրերի կազմման և համակարգման բաժնի պետ Լիդիա Պողոսյանը, համայնքապետարանի աշխատակազմի առաջատար մասնագետ Մարինե Բաղդասարյանը:

Հանձնաժողովի նախագահը ներկայացրեց նիստի օրակարգը՝

1. Հայաստանի Հանրապետության Կոտայքի մարզի Բյուրեղավան համայնքի ավագանու 2021 թվականի դեկտեմբերի 27-ի N 77-Ն որոշման մեջ փոփոխություններ կատարելու մասին,
2. Բյուրեղավան համայնքի 2021 թվականի բյուջեի չորրորդ եռամսյակի կատարման ընթացքի մասին:

համայնքի ավագանու որոշումների նախագծերի քննարկում:

Օրակարգի առաջին՝ «Հայաստանի Հանրապետության Կոտայքի մարզի Բյուրեղավան համայնքի ավագանու 2021 թվականի դեկտեմբերի 27-ի N 77-Ն որոշման մեջ փոփոխություններ կատարելու մասին» հարցի շուրջ Լ. Պողոսյանը ներկայացրեց, որ Բյուրեղավան համայնքի ավագանու

քննարկմանը ներկայացվող նախագիծը մշակվել է՝ առաջնորդվելով «Նորմատիվ իրավական ակտերի մասին» օրենքի 34-րդ հոդվածով, «Տեղական ինքնակառավարման մասին» օրենքի 18-րդ հոդվածի 1-ին մասի 5-րդ կետով, «Հայաստանի Հանրապետության բյուջետային համակարգի մասին» օրենքի 33-րդ հոդվածի 4-րդ մասով և հիմք ընդունելով համայնքի 2021 թվականի բյուջեի տարեվերջի ազատ մնացորդը՝ 49485,1 հազար դրամը (39206,6 հազար դրամը՝ վարչական բյուջեի տարեվերջի մնացորդ, 10278,5 հազար դրամը՝ ֆոնդային բյուջեի տարեվերջի մնացորդ), որն ամբողջությամբ ուղղվում է 2022 թվականի համայնքի բյուջեի ֆոնդային մաս:

Ելնելով վերոգրյալից՝ անհրաժեշտություն է առաջացել համայնքի 2022 թվականի բյուջեի դեֆիցիտը (պակասուրդը)՝ «0,0» հազար դրամ, փոփոխել «49485,1» հազար դրամով: 2021 թվականի բյուջեի եկամուտների փաստացի կատարման ցուցանիշներից ելնելով առաջարկվել է համայնքի 2022 թվականի եկամուտները ավելացնել 2100,0 հազար դրամով, որից 1400,0 հազար դրամը՝ անշարժ գույքի հարկի գծով և 700,0 հազար դրամը՝ այլ եկամուտների գծով: Բյուրեղավան համայնքի 2022 թվականի բյուջեի եկամուտների ընդհանուր գումարը կազմում է 429 703,5 հազար դրամ, իսկ ծախսերի ընդհանուր գումարը ծրագրվել է 479 188,6 հազար դրամ:

Համայնքի 2022 թվականի բյուջեով նախատեսվել է նաև ոչ ֆինանսական ակտիվների իրացումից մուտքեր՝ 275000,0 հազար դրամ: Համապատասխան ծախս է նախատեսվել մանկապարտեզի շենքի կառուցման համար՝ 100,0 հազար դրամ, մանկապատենական մարզադպրոցի կառուցման համար՝ 120,0 հազար դրամ, ոռոգման ցանցի նորոգման համար՝ 16000,0 հազար դրամ, բակային տարածքների բարեկարգում ու խաղահրապարակների կառուցման համար՝ 25000,0 հազար դրամ, հավերժության պուրակի կառուցման համար՝ 21000,0 հազար դրամ:

Որոշվեց՝

հավանություն տալ Հայաստանի Հանրապետության Կոտայքի մարզի Բյուրեղավան համայնքի ավագանու 2021 թվականի դեկտեմբերի 27-ի N 77-Ն որոշման մեջ փոփոխություններ կատարելու մասին որոշման նախագծին և ներկայացնել ավագանու նիստին:

Կողմ- 3 Դեմ- 0

Լ.Պողոսյանը ներկայացրեց Բյուրեղավան համայնքի **2021 թվականի բյուջեի չորրորդ եռամսյակի կատարման ընթացքը**: Համաձայն «Տեղական ինքնակառավարման մասին» օրենքի 18-րդ հոդվածի 1-ին մասի 5-րդ (Համայնքի ավագանին սույն օրենքով սահմանված կարգով հաստատում է համայնքի բյուջեն, բյուջեի՝ համայնքի ղեկավարի առաջարկած փոփոխությունները և բյուջեի կատարման տարեկան հաշվետվությունը.) և 38-րդ հոդվածի 1-ին մասի 1-ին (Համայնքի ղեկավարը կազմում և համայնքի ավագանու հաստատմանն է ներկայացնում համայնքի բյուջեի նախագիծը, դրանում առաջարկվող փոփոխություններն ու սպառնվում է բյուջեի կատարումը, որի

վերաբերյալ եռամսյա հաղորդումներ և տարեկան հաշվետվություն է ներկայացնում համայնքի ավագանուն.) կետերի և «Հայաստանի Հանրապետության բյուջետային համակարգի մասին» օրենքի 35-րդ հոդվածի 1-ին մասի (1. Համայնքի ղեկավարը եռամսյակը մեկ՝ մինչև հաշվետու եռամսյակին հաջորդող ամսվա 15-ը, բյուջեի կատարման ընթացքի մասին հաղորդումներ է ներկայացնում համայնքի ավագանուն և համապատասխան մարզպետին:)' ավագանին որոշում է ի գիտություն ընդունել Բյուրեղավան համայնքի ղեկավարի հաղորդումը 2021 թվականի բյուջեի չորրորդ եռամսյակի կատարման ընթացքի մասին:

Որոշվեց՝

հավանություն տալ Բյուրեղավան համայնքի 2021 թվականի բյուջեի չորրորդ եռամսյակի կատարման ընթացքի մասին որոշման նախագծին և ներկայացնել ավագանու նիստին:


Կողմ- 3 Դեմ- 0


Նիստն ավարտվեց:

Հանձնաժողովի նախագահ՝


Արման Օհանյան

Հանձնաժողովի անդամներ՝


Արման Խանգաղյան


Արտյոն Ավագյան